

EsCULcA (Observatorio para a defensa dos dereitos e liberdades) nasce con o propósito de contribuir a que a sociedade galega non se deixe gañar pola pasividade, que non se conforme con o papel de simple paciente da historia a quen os poderes públicos conceden unha liberdade cada vez máis restrinxida. Desexa promover, pois a recuperación do interese polos asuntos públicos e o sentido da responsabilidade colectiva, coñecedora de que a indiferenza e o absentismo son o terreno máis propicio para poderen surxir formas novas de totalitarismo e control anti-democrático. Considera que unha maneira de frear estas correntes de carácter autoritario â??mascaradas de medidas de seguranza- é a análise concreta da realidade, recollendo e transmitindo información sobre a nova conxuntura que está a agromar, promovendo o debate público sobre as novas medidas autoritarias e actuando contra os abusos que se producen no noso contorno, na urxente necesidade de detención desta nova vaga autoritaria. Proclama como obxectivos a intervención e comunicación social para espallar os verdadeiros fins das políticas institucionais e o traballo na defensa dos dereitos fundamentais e as liberdades públicas, entendidas estas no sentido máis amplo, mediante a actuación en todos aqueles campos que outros grupos ou organizacións consideran non prioritarios ou intrascendentes.

EsCULcA (Observatorio para a defensa dos dereitos e liberdades), é unha asociación independente dos poderes públicos e, como tal, non solicitará, non aceptará ningún tipo de axuda ou subsidio procedente deses poderes, levando a cabo o seu financiamento só en base aos contributos das persoas que adiran ou colaboren na súa formación. Máis en www.esculca.net